



Châng Thlans: *Genesis 15:6; 17:5; 18:23.*

Chhiar Tûrte: *Genesis 15–19; Amosa 4:11; Rome 4:2–11.*

Then 1-na: Zirlâi Tlângpui Thlîrna

Tuhmahruai: Tûn kê zirlâiah hian Abrahaman sakhaw nuna a thil tawn thûk lâi ber chu kan luh chillh dâwn a. Hei hi Pathianin Abrama thu a thlunpui hun kha niin, Nova a thlunpui (*Gen. 6:18–9:20*) hnua a mi dang a thlunpui lehna hmasa ber a ni bawk. Abrahamama thuthlungah pawh hian Nova thuthlunga kan hmuh thil chi hrang hrangte kha kan hmu ve leh a. Amaherawhchu, Nova hnêna thuthlung ang lo takin Abrahamama thuthung hi chu inthâwiina nêna ãan niin, chu chu fapa pêk tiamna leh chênna tûr ram pêkna nêna a inzawm a, chhinchhiahna hmangin nemngheh a ni. Abrahamama thuthlung leh Nova thuthlung danglamna dang leh chu Nova thuthlung awm ve lo thil thar eng eng emaw a awm tâk vâk a ni a. Serh leh sâng thil pahnih tih ngei ngâi a tel tawh a ni.

Chu chhinchhiahna chu serhtan a ni a, tin, Abrama hian hming thar, Abrahamama tih chu a nei ta bawk. Chu bâkah chuan, he thuthlung hi thlîr dân inang lo pahnih a awm bawk a. Nova thuthlungah kha chuan a tinzâwn ber chu Pathian niin, amah Nova tak kha chu a tihtlâwmin a awm a, chuih lâiin Abrahamama nêna thlun thuthlungah erawh hi chuan Abrahamama thil thlîr dân pawh

ngaihchânsak ve a ni a, chumi avâng chuan a awmzia pawh hriat thiam a harsa ta deuh hlek bawk a ni.

Zirlâi Thupuite:

1. **Rinna Innâwk Tawna.** Abrahamana rinna hi zawhnate leh rinhlelhnat an siam a ni a; Amah Abrahamana hi chu rinhlelh hmang ni mah se, Pathian a ring tlat thung. Abrahamana nuihna hi thil inhmeh lo leh mak tihna in a siam a ni a. Pathian hnêna Abrahamana ṭawngṭâina hi intûkluhna leh chonaten a siam a ni bawk.
2. **Mikhual Chunga Ṭhat Chhuahna Dânte.** Abrahamana hian ram dang aṭanga rawn kal a mikhualte chungah ṭhat a chhuah êm êm lâi hian Sodom khawpuia chêngte erawh chuan an mikhualte lo vauvin tihnat dân ngawt an lo zawng ve thung.
3. **Indîlsak Duhna.** Abrahamana hian Sodom khawpuia chêng mi sualte chu a dîlsak a, an chungah chhiatna lo thleng tûr chu hnuh kîr a nih leh theih nân mi fel tlêm azâwng tal an awm mial a beisei a ni.

Ṭhen 2-na: Zir Zauna

Abraman LALPA A Ring

Abrama rinna hlauhnaa inṭan niin, rinhlelhna leh zawhna chi hrang hrang nêh chhawnzawm a ni a. Abraman a hlauh ber chu a hma lam hun a thil tawn tûr Chiang lo kha niin, chûngte chu ama'n a thunun theih loh, a thuneihna ni lo a ni. Chuvâng chuan a hun tawn mêkah a inngat ta rêng a, a chhiahhlawh Eliezara kha a roluah-tu-ah siam a tum a nih kha (*Gen. 15:2*). Chutichuan, a hnêna Pathianin thu a rawn sawi khân nakîna thil lo thleng tûr lamte kâwk ṭawngkam eng eng emaw a rawn hmang a.

“Hlau suh” tih thu pawh hi thlahte a la pêk tûr thu a tiam nêh inzawm a ni tângpui ṭhîn. Hma lam hun atâna thutiam chu Hebrai ṭawna “phâw” tih sawina thumal, *magen*-ah pawh hian a awm a (*Gen. 15:1*), he thumal hi “chhanchhuak” (*Gen. 14:20*) tih sawina thumal, *magan* aṭanga lo kal niin, tûn hmâa hnehna lo chan

tawhna nênzawma hman a ni. Chutiang chuan, tûn hmâa Abrama lo chhandam tawhtu Pathian hi hun lo la awm tûra chhandam lehtu tûr Pathian tho a ni tih kan hria a. Pathianin a hma lam hun tûr inlârnaa a rawn hmuhtîr hian rinna a lo nei ta a: “Abrahama chuan a ring a” tih a ni rêng bawk a ni.

Hebrai ÷awnga ring tih sawina thumal, *he’emin* hian rilru lam emaw, thurin lam emaw chauh sawi lovin, chumi âia ril leh zau zâwk daih chu a kâwk. Hebrai ÷awngah chuan, “ring” tih hian inkungaihna chungchâng sawiin, a ÷obul pawh, *’aman* a ni a, chu chuan “ngheet,” “chin chhan tlâk” tih a sawi. Abrama hian Pathianah innghatin thlahte a la nei ngei dâwn a ni tih a ring a. Chu a rinna chu Pathianin “felna” angah a “ruatsak” ta a ni.

÷awngkam dangah sawi chuan, he rinna hi Pathianin felna nênzawma hman a hlut dân inang reng ni-ah a “ruat” tihna a ni a. Chutiang chu hmâsâng Aigupta mite rin dân thlîr pawhin a dik hmêl hle. Hmâsâng Aigupta mite rin dânah chuan, mihring felna hi felna pathian Maat mittlûk khawpa thil ÷a tih a nih leh nih loh a ÷angin teh a ni ÷în a. Abrama chungchângah erawh hi chuan a felna hi a tâna Pathianin thil a tihte a ÷anga bûk a ni thung. Mi fela Abrama chhiar a nih theih chhan chu a thil ÷a tihte a tam tham vâng ni lovin, a tâna Pathinin thil a tih tawhtea inngah a tum vâng zâwk a ni (*Rome 4:2–4*).

Abrahama leh LALPA An Nui

Fapa a neih tûr thu Pathianin a rawn hrilha Abrahama thil tih hmasak ber chu bawhkhup leh mak ti tak a awm a ni (*Gen. 17:17*). Hei hi ngâwi rênga a bawhkhup ÷um hnihna a ni a (*Gen. 17:3 en ang che*). Mahse, tûn ÷uma a bawhkhup hi chu a nui ru deuh tat tat thung a, Bible-a “nuih” thu kan hmuh hmasak ber a ni nghe nghe. A nuih chhan hi Pathian thil sawi a rinhlelh vâng nge ni a, mak a tih vâng zâwk tih a Chiang lo va. Pathian chibai a bûk lâi khera a nui hian mak a tih vâng a nih tih a tirinawm zâwk.

Nimahsela, Abrahamama a rawn ɣawng chhuah chiah hian rinhlelhna a nei a ni tih a lang nghâl thung a. Pathian ruahmanna thlen diktîr theih dân tûr sawiin Ismaela chu Pathian thutiam tihhlawhtlinna ni tûrin a rawt a. He rinhlel chung a rawtna a siam hian Pathian chu chipchiar deuh takin thil a sawitîr ta a ni. Pathian thutiam hi Ismaela tihhlawhtlin tûr a ni lo hrim hrim a. Abrahamama zawhna chhângin thutiam rawn tifamkimtu tûr chu Isaka a nih thu a sawi ta a (*Gen. 17:19*). Thil mak deuh chu, Isaka tih hi “a nui” tihna a ni hi a ni.

Nimahsela, tûn ɣuma nui hi chu Pathian a ni ve ta thung a, a chhan pawh Isaka hming hi Hebrai ɣawngah chuan Pathian hming nêna inzawm a nih vâng a ni. Ismaela tih chu “Pathianin a hria” tihna a ni ang bawkin Isaka hming pawh hian Pathian hming a pu ve a, a hming awmzia pawh hi “[Pathian] a nui” tihna a ni ang. Pathian a nui ang bawkin Abrahamama pawh hi a nui ve a ni. A hnu-ah Sari pawh a nui ve leh a. Ani nuih chhan pawh hi fa a hrin tûr thu a lo hriata a âwih loh êm vâng a ni. Mahse, thil danglam tak a lo thleng a. Sari hi “a rilru-in nui” tho mah se (*Gen. 18:12*), a rilrua thil awmte chu amah rawn Tlawhtu hian a hriat sak vek thung a ni (*Gen. 18:10–13*). Hei hian Abrahamama leh Sari te hi LALPA awmpuina chang an nihzia a tilang a, chuvâng chuan mak danglam takin fapa a nei thei ta rêng bawk a ni.

Abrahaman LALPA Ei Tûr A Siamsak

A vawi khatna atân Abrahamama hian hre miah lovin vântirhkohte a lo mikhual a. An chung a thil a lo tihte hi a hnu zêlah pawh mikhualte chung a ɣawngah kawngah entawn tlâk tia hriat reng a ni tawh dân a ni (*Heb. 13:2 chhiar la*). Pathian hian Abrahamama a rawn tlawh chhan ber thuthlung thutiam chu sawipui nghâl mai lovin Abrahaman a hmuh a, a biak theih a, ei tûr a hlui theih tûrin a rawn inlâr phawt a. A rawn tlawh hun hi chhûn ni lum lâi tak a ni a. Abrahamama chu a puan in kawngka bulah a lo thû a, amah hmu tûra lo kal tûr an awm dân a ni tih a lo hre

lâwk emaw ni teh lêk ni. An awmna lâi vêl hi thlalêr a nih avângin miin an rawn paltlang zen zen lo va.

Chuvâng chuan, hla taka a puan in lam pana mi lo kal a han hmuh khân anmahni lam panin a va tlan nghâl ta a ni. A thil tih hi a kum tam tawh dân ngaihtuah pheï chuan a mak zâwk hle a (hetih lâi hian kum 99-a upa a ni tawh), tin, a serh a tan hlim hlaut a ni lehngâl bawk (*Gen. 17:24*).

A mikhualte nêna an inhmuh ve leh hian an mamawh tihsakin a buai nghâl char char a. An ke sil fâina tûr tui a pêk hnu-ah (*Gen. 18:4*), an chhang ei tûr leh sa ei tûr a buatsaihsak bawk a (*Gen. 18:6, 7*). Hemi atân hian a nupui leh a chhiahhlawhte nêan an phêk buai tlang vek a ni. Sarin chhang a siam a (*Gen. 18:6*), a chhiahhlawh pakhatin bânwngno talhin a sa a lo siam bawk a (*Gen. 18:8*). Mahse, hêng a thil lo hlui zozâite hi intihtheih nân a lo hmang lo, “chhang tlêm azâwng” tiin a sawi duh lek chauh a ni (*Gen. 18:5*).

Thil lang Chiang tak chu, heti taka a mikhualte a lo dawngsawng tha hian mi bîk an ni tih hriatna eng emaw tak a nei tih a hriat a. “Ka LALPA” (*Gen. 18:2, 3, NKJV*) tia anmahni a ko hian mihringte âia chungnung an ni tih hriatna a nei tih a tilang. An hnêna tui leh ei tûr chi hrang hrang a pêk avâng hian mihring an ni ve tho ni-ah a ngâi tihna a ni kher chuang lo va. A hmâ hian “mihring” anga inlanin an rawn ding a (*Gen. 18:2*), a ei tûr hluite chu an ei a (*Gen. 18:8*), thil pawimawh an sawipui bawk a (*Gen. 18:9*), hetiang hi mihringte hnêna rawn chhuk thin Pathian thil tih dân phung pângngâi rêng a ni. An kiangah hian Abraham a chu a ding reng a, an mamawh apiangte chu tihsak zêlin an rawngbâwlsak tûrin a inpe tawp mai a ni.

Abrahaman Pathian A Dâwr

Abrahaman a mikhualte rawng a bânwlsak thu sawinaa atâna hman “ding” tih thumal (*Gen. 18:8*) hi Pathian hmâaa Abraham a rilru put dân sawi fiahna atân hman a ni ve ta thung a (*Gen. 18:22*). Dik tak chuan, “ding” tih zawh chiaha “hmâah” tih

thumal lo awm ang chi hi chu Pathian ÷ih chungah a hnêna ÷awngtâi tih sawina atân hmang ÷hin a ni (*Deut. 10:8; 1 Lalte 17:1; Zak. 3:1*). Hei hi Bible-a mi tu emaw mi dangte tâna a ÷awngtâi thu kan hmuh hmasak ber a ni a. Nova meuh pawh a hun lâia mite tân khân a ÷awngtâi ve lêm lo niin a lang (*Gen. 6:13–22*). Hei lâia “va hnaih” tih hi Hebrai Bible-ah chuan *wayyigash* tih a ni a, chu chuan Abrahaman Pathian bul hnêia va kal mai kha a tîm deuh a ni tih a tilang (*Gen. 18:22, 23*).

Abrahama hi huaisen hle mah se, Pathian chu mihringte laka hrang leh chungnung a ni tih a la hre reng tho a, chuvâng chuan a zah pawh a zah hle a ni. Thiam takin Pathian hnênah hian zawhna pasarih a zâwt a. Sodom khawpui chu tihbora a nih loh theih hrâm dân zâwngin mi fel 50 tal an awm chuan tibora ni lo se tiin a han dîl phawt a, chutah tla hniam zêlin a tâwpah chuan 10 tal an awm chuan tiin a duh tâwk ta a ni. Hei hi Amosa 5:3 thu behchhana sawi a nih hmêl a. Namber 50 hi khawpui tê deuha mihring chêng zât zahve anga ngaih a ni ÷hin.

Chutichuan, Abrahama hian he khawpuia mi sual awm zât tûr leh mi fel awm zât tûra a ngaihruat chu a han bûk a. Mi fel 50 tal an awm ve ringin chumi avâng chuan tihbora an nih loh theih hrâm a beisei a ni. Namber 10-a a han tlâk thlâk khân tlâk hniampui leh ngaihna a awm tawh lo a ni tih a hria a, a bâk chu sawi a tum tawh lo. Namber 10 hi thil tlêm tham sawina atân hman ÷hin a ni a. Hebrai alphabet-te zîngah pawh a tê ber, *yad* hmangin entîr a ni ÷hin (*Mat. 5:18*).

A hnu zêlah pawh namber 10 hi Juda-te chuan Pathian chibai bûk tûra inkhâwmna neih theih tlêm ber sawina atân an hmang dân a. Mi fel sâwm talin mi tam tak a chhanhim thei tih thu hi “mi tam takte thiam chantîrtu tûr” “Chhiahhlawh Tuartu” rawngbâwl na pawh kha a lo entîr bawk a ni (*Isa. 53:11*). Vawi ruk ngawt an inchhân tawn zak zak hnu-ah Pathian chuan an indâwrna a titâwp ta a. Hetiang hian a thil tih tûra mihringte rawn râwn mah se, a duh dân angin ro erawh a rêl tho ÷hin a ni.

Then 3: Nuna Bel Tûr

Abrahaman LALPA A Ring. Eng tin nge mite hi rinna nei tûrin kan zirtîr theih ang? Enga ti nge Bible-a kan hmuh rinna hian hma lam hun hi a tinzâwn deuh ber zêl le? Mi tu emaw chuan a hmangaih tak a chên a, chumi hnênah chuan rinna nei tûrin eng tin nge thurâwn i pêk ang? Eng tin nge mi mal rinna leh beiseina hi i inzawmtîr theih ang?

Abrahama leh Pathian An Nui Dûn. Mi thenkhat chuan nuih hi ramhuai aţanga lo chhuak ni âwmin a sawi a. A dik ang em? Bible-ah hian (Thuthlung Hlui leh Thar lamah pawh) mi an nuih leh fiamthu an thawh thu hmuh tûr a awm em? Eng vângin nge nuih leh fiamthu han thawh vêl te hi sakhaw dik tak nêl kal dûn thei a nih? Enga ti nge sakhaw mi tak tak takte zîngah hian nuih hrim hrim hi thil dik lo nia ngâi tlat an awm thin le?

Abrahaman LALPA Tân Ei Tûr A Siam. Eng tiangin nge phûr taka Abrahama a mikhualte ei tûr a siamsak hian rawngbâwlna leh chibai bûkna kawngah mi a tihphûr? Bible-ah hian (Thuthlung Hluiah leh Thar lamah pawh) Pathian nêna thuthlung siama serh leh sân thilahte châw leh ei tûr dangin pawimawhna a neih châng a awm em? Enga ti nge Bible-ah hian châw hi thil pawimawh tak nia sawi a nih thin? Eng vângin nge mahni inhrêk zâwnga Pathian tih tum hi Bible zirtîrna nêl inrem lo a nih?

Abrahaman LALPA A Dâwr. Eng vângin nge Abrahaman huaisen taka Pathian thil tih tum a lo cho ngam hi rinna thiltih a nih? Eng tin nge a thil tih ang hi i tawngtâinaah pawh i lo hman ve ang? Bible-ah leh chanchin kal tawhah pawh, mi sakhaw mi tak tu emawin Pathian dâwr a, a duh dâna thil ti tûra Pathian a ngen tâng tâng thu sawi tûr i hria em?

ZIRTÏRTÛ ƧAWNGƧAINA

By *Andrew McChesney*

SIKULA a Ƨhian nuin Selina-i chu Isua chibaibûk tûrin a hrilh a. “Isua a lo kal dâwn hnâi tawh sî a, A mîte a hruai dâwn avângin nang pawh i inkhâwm vê a ngai a ni,” tiin a hrilh a. A Ƨhian nûin a sawi zêl dân chuan, khawvêlah hian kohhran pâwl hnih chiah— Seventh-day Adventist Kohhran leh pâwl dang pakhat chiah a awm dâwn tih a ni. Selina-i nû leh pête chu sâkhaw mî an ni lo va, chuvâng chuan Botswana hmâr lama an khuaah chuan biak in nei lian kohhran chu an zawm vê satliah mai a ni.

Hun eng emawti hnûah chuan, an laichîn hnâi, amâ ruâlpuì mipa naupang hian Selina-i chu Adventist biak ina inkhâwm tûrin a sâwm a. A Ƨhian dangte eawh chuan inkhâwm lo tûrin an lo ti vê thung a. “Chû biak inah chuan inkhâwm suh,” a ti a. Pakhat dang chuan, “I inkhâwm vaih chuan in kohhran lamah i lo kîr tawh lo mai ang,” a lo ti vê a. Selina-i erawh chuan, “Engah nge kan kohhran chu ka chhuahsan kher ang ni?” a ti mai a.

Sabbath zîngah chuan, Selina-i chu, chû mipa naupangte biak inah chuan a inkhâwm a. An thlen chuan inkhâwm chu an Ƨan nghâl a. An tih dân kallhmang chu Selina-i hriat Ƨhin dân a ang lo hlê mai a. Thuhriltu chuan Pathian chu mahnî Ƨhian hmâichhana biâ ang maiin thû a sawi a. Inkhâwm bâna an inchibai dân pawh chu mak a ti hlê mai a. Amah lo chibaibûte chuan lo beisei sâ rêng ang maia nêlin an be hlawm a.

Thusawitu chuan sermon dangte pawh a la sawi leh dâwn tih a hriatin, an beihpui thlâk inkhâwmah chuan a lo tel vê ta zêl a. Ngaihnawm ti takin thusawi chu a ngaithla ta zêl a. *Daniela 7*-a ramsa chi hrang hrang hmanga Isua lo kal leh thlenga lei lalramte entîr a nih dân chu ngaihnawm a ti êm êm a. Beihpui thlâk inkhâwm a zawh chuan, anmahni biak in lamah a inkhâwm ngai tawh lo. Baptisma changin, Adventist Kohhran chu a zawm ta a ni.

Selinah Oreneile Nkwae-i chu a lo ƣhang puitling a, sikul zirtƣrtuàh a ƣang a. A thil duh leh chàk ber, Adventist Sikula thawh a, naupangte hnêna Isuà chanchin zirtƣr a ni a; mahse, chũng laiah chuan Adventist sikul a awm bawk sƣ lo. Chuvàng chuan sorkar sikulah thawkin, kum 34 lai a thawk a. Hnà aƣanga a chawlh hnũin, Pathian tana thuhretu ƣha taka ƣan dân tũr dƣlin ƣhahnemngai takin a ƣawngƣai a. Rawngbâwlna beihpui thlâkte a huâihawt ƣhĩn a, mi ƣhahnem takin baptisma an chang a. Mahse, Adventist sikula zirtƣrtua ƣan a chàkzia kha a theihngihl thei chuàng lo.

Ni khat chu, a pasalin chanchinbũa Francistown Adventist sikul tharin zirtƣrtu an zawn thũ chu a chhiar fuh hlauh mai a. Selina-i chuan dƣlna a thehlũt a, Eastern Gate Primary Sikulah chuan thawk tũra pawm a ni ta a ni. Hê sikul hi kum 2015-a Thirteenth Sabbath Thawhlawm hmanga dƣn kha a ni. Ani chuan Pathianin ka dƣlna min chhãnsak ta tiin a hlim hlê mai. Selina-i chuan, “Zirtƣrtu zawng zawngte nĩ tina ƣawngƣaina chu naupangten keimahnia Pathian nungchang an hmuh theihna tũrin a ni,” tiin phũr takin a sawi ƣhĩn.

Hê kohhran chanchin hian Rawngbâwlna Thupui: “I Will Go” tih thupui palĩna: “Seventh-day Adventist institution-ten zalênna chàwisâng chungã, mihringtea Pathian anna dƣnthar leh tũra mihring nihna pum pui hrisêlna leh Isuà zãra beiseina tichak tũrin” tih leh; Thupui parukna: “Naupang te, ƣhalai te leh puitling vânglai hmang mêkte sawh ngheh, huàng lama hruai kĩr leh bãkah, inhmanna tihpun zêl” tih hlenna tũra hmalãkna a entĩr. Chhiar belh tũr: IWillGo2020.org.